

## **Encik Khairudin Bin Mohamad Usahawan Peladang Muda Tanaman Sayuran Secara Konvensional, PPK Jerangau.**

Encik Khairuddin b. Mohamad, 32, merupakan ahli dan juga Ahli Jemaah Pengarah PPK Jerangau, Terengganu telah melibatkan diri dalam projek tanaman sayuran dan sekaligus bertindak sebagai pemborong sayuran sejak hampir 10 tahun yang lalu. Kini dengan ladang seluas 38 ekar di Kampung Wa dan 20 ekar di Ladang Padang Pin, beliau mengusahakannya dengan tanaman cili, terung, kacang panjang, timun dan petola.

Untuk membangunkan ladang sayurannya seluas 58 ekar, beliau mendapat kredit daripada PPK Jerangau sebanyak RM25,000 di bawah Program Pembangunan Usahawan Peladang, Lembaga Pertubuhan Peladang.

Beliau memiliki tapak samaian sendiri bagi memastikan kualiti anak pokok yang ditanam adalah yang bermutu. Beliau menjadualkan tanaman sayurannya dibuat secara berperingkat untuk memastikan pengeluaran hasil tanaman dapat dikeluarkan sepanjang masa dan masalah serangan penyakit serta perosak ke atas tanaman dapat dikawal.

Selain menggunakan tanah sendiri, beliau turut menggunakan tanah TOL Kerajaan. Sebagai usahawan yang berjaya, beliau tidak melupakan petani-petani kecil di sekitar kampungnya dimana beliau turut menjadi ketua projek berkelompok di Unit Peladang Kampung Wa. Hasilnya, beliau bukan sahaja telah berjaya mewujudkan peluang pekerjaan bahkan peluang perkongsian projek tanaman sayuran dengan penduduk setempat.

Encik Khairuddin turut menjadi mentor kepada beberapa orang pengusaha tanaman sayur di sekitar Jerangau. Segala hasil keluaran mereka akan dibeli dan dipasarkan sendiri kepada pelanggan tetap di pasar borong Selayang dan Kuantan. Segala urusan dan pengangkutan dilakukan oleh beliau sendiri dengan bantuan beberapa orang pekerja tempatan.

Dalam usia yang masih muda beliau berkeupayaan untuk mengusahakan projek ini sehinggalah dianugerahkan sebagai Peladang Muda Jaya Tahun 2004.

Secara keseluruhannya tanaman sayur yang diusahakannya berjaya mengeluarkan hasil sebanyak 400 tan metrik bernilai RM335,000 dengan keuntungan bersih RM109,000 setahun.



Gambar 1 : Batas untuk tanaman cili burung seluas 12 ekar.



Gambar 2 : Tanaman cili kulai, berusia 2 bulan, seluas 12 ekar di Kg. Wa



Gambar 3: Pokok cili yang mula mengeluarkan hasil.



Gambar 4: Encik Khairuddin bersama hasil tanaman sayur sawi putih.




Gambar 5: Peserta projek berkelompok Kg. Wa yang diketuai oleh En. Khairuddin b. Mohamad.



Gambar 6: Jentera pertanian untuk memudahkan kerja di ladang.



Gambar 7: Para untuk tanaman yang menjalar.



Gambar 8: Tanaman sayur kacang panjang yang mulai mengeluarkan hasil.



Gambar 9: Hasil sayur kacang panjang yang sedia untuk dijual.